

AeroKids

Jahresbericht 2022

Im AeroKids händ mir letscht Jahr einigi Highlights derfe erläbe. Nach zwei Jahr ohni Wettkämpf isch d'Freud unglaublich gross gsi, entli wieder mal es Wettkampf-Programm izstudiere. Im Mai sind mir mit eusere Wettkampfgruppe am JUSPO gstartet. Bi traumhaft schönem Wetter händ sie ihres neue Programm vorzeigt. Vor de Rangverkündigung händ mir als Team über de Mittag en chline Usflug gmacht und eus e feini Pizza gönt. Mitere Note vo 8.75 häts knapp nöd uf de ersti Platz glanged.

Mir händ fliessig jede Fritig im Training ade Synchronität, Spannig und Technik gschaffet. Denn de nächst Wettkampf isch scho bald vor de Türe gstande. Vor de Summerferie händ mir den doch no en Abstecher id Badi gmacht und en schöne Summerabig miteme feine Glace verbracht.

Im September isch jewils euse Highlight-Wettkampf. 7 motivierti Mädels sind am Samstag, 17. September an Zuger Aerobic Cup greist. Nervös aber voller Freud sind sie im 2 Block gstartet. Nomal herzlich Dank ad Nuria und Livia, dass sie eusi Meitlis begleitet händ. S'Training hät sich glohnt. Mitere Note vo 9.12 händ mir de 6. Platz erreicht. Insgesamt hend 16 Jugend-Teams us der ganze Schwiz teilgno. Herzliche Gratulation a euses Team.

Nebedbi simmer bereits mit beide Gruppe fliessig fürs Chränzli eusi «One Day in Paris»-Nummere am istudiere gsi. Es isch total schön gsi, zum gseh, wie sich alli so unglaublich ufd Turnshow gfreut hend. Mir sind stolz, was sie uf de Bühni zeigt händ. Eimal meh es unvergesslichs Wucheend.

Endi Jahr händ mir insgesamt 19 Mädels im AeroKids debi gah und freued eus uf es wifers tolls 2023 – vorallem, dass mir derfed am KTF mit debi sih.

Eui Géri & Meli

